

---

---

**BASES DA CONVOCATORIA DE AXUDAS  
A DEPORTISTAS GALEGOS/AS DE ALTO  
NIVEL**

**“AXUDAS DGAN 2017”**

---

---

## INDICE

### Sumario

<b>1. INTRODUCCIÓN.....</b>	<b>3</b>
<b>2. OBXECTO.....</b>	<b>3</b>
<b>3. PERSOAS BENEFICIARIAS.....</b>	<b>3</b>
<b>4. FINANCIAMENTO ORZAMENTARIO.....</b>	<b>4</b>
<b>5. SOLICITUDES.....</b>	<b>4</b>
Será obrigatorio declarar as axudas solicitadas e/ou concedidas para o mesmo fin, segundo o propio Anexo 1 de solicitude.....	6
A presentación das proposicións por unha vía diferente ás sinaladas será causa de rexeitamento ou exclusión.        6	
<b>5.9. Transparencia e bo goberno.....</b>	<b>7</b>
<b>6. INSTRUCIÓN E TRAMITACIÓN DO PROCEDEMENTO.....</b>	<b>7</b>
6.1. Órgano de instrución.....	7
6.2. Comisión de Valoración.....	8
6.3. Tipos de axudas, criterios de valoración e regras comúns a todas elas.....	8
6.4. Criterios de cuantificación de axudas.....	9
6.5. Procedemento de concesión.....	11
6.6. Resolución de adxudicación.....	12
6.7. Aceptación da resolución.....	12
6.8. Reclamacións.    13	
<b>7. PAGAMENTO.....</b>	<b>13</b>
<b>8. OBRIGAS DA PERSOA BENEFICIARIA.....</b>	<b>13</b>
<b>9. MODIFICACIÓN DA RESOLUCIÓN, REVOGACIÓN E REINTEGRO.....</b>	<b>13</b>
9.1 Modificación da resolución.....	13
9.2 Revogación e reintegro.....	14
<b>10. RÉXIME XURÍDICO.....</b>	<b>14</b>
<b>11. DISPOSICIÓN ADICIONAIS.....</b>	<b>14</b>

## 1. INTRODUCCIÓN.

---

A Fundación Deporte Galego é unha fundación do sector público coa condición de medio propio e instrumental da Secretaría Xeral para o Deporte, asumindo como finalidade fundacional a promoción do deporte en Galicia e, de conformidade cos seus estatutos ten encomendada, entre outras funcións, o fomento do deporte de alta competición na comunidade galega.

Nas últimas convocatorias publicadas en anos anteriores, motivado pola previa preparación e posterior participación nos XXOO Río 2016, as axudas DGAN desenvolvéronse en dúas fases, diferenciando aos deportistas olímpicos/as galegos/as que primeiro prepararon e despois participaron na competición olímpica, do resto de deportistas DGAN, co obxecto de precisar mellor as axudas a eles/as destinadas. Nesta edición 2017 volveremos ao modelo dunha única convocatoria coa que se pretende axudar á preparación e participación en competicións aos deportistas que participaron nos últimos XX.OO./XX.PP. de Río 2016 e ao resto de deportistas DGAN que tiveran o recoñecemento en vigor nalgún momento dos anos 2015, 2016 ou 2017, coa novidade de que se valorarán os resultados acadados nos dous últimos anos consecutivos, 2015 e 2016, co obxecto de actualizar e poñer ao día por completo as tempadas deportivas pendentes de valoración.

A presente convocatoria non é substitutiva doutras convocatorias que poida publicar a Secretaría Xeral para o Deporte.

## 2. OBXECTO.

---

Esta convocatoria ten por obxecto establecer as bases reguladoras da concesión de axudas destinadas a apoiar aos/as deportistas galegos/as que participaron nos XX.OO./XX.PP. de Río 2016 e ao resto de deportistas con recoñecemento pola Secretaría Xeral para o Deporte coma Deportistas Galegos/as de Alto Nivel (DGAN) nos anos 2015, 2016 ou 2017, que acadaran os resultados requiridos no apartado 6 destas bases, nas competicións internacionais e/ou nacionais das súas respectivas especialidades e probas deportivas.

Co fin de facilitar a identificación dos formularios de inicio na sede electrónica da Xunta de Galicia, habilitase un enlace na Guía de procedementos e servizos co código **PR961A**.

## 3. PERSOAS BENEFICIARIAS.

---

Poderán ser persoas beneficiarias desta convocatoria os/as deportistas que cumpran os requisitos establecidos neste apartado, así como os criterios establecidos no apartado 6.4 destas bases, podendo acollerse a unha das seguintes dúas liñas das axudas:

### 1. Axudas Olímpicos/as-Paralímpicos/as en Río 2016

- a) Ter participado representando ao equipo olímpico/paralímpico español nos pasados XXOO/XXPP de Río 2016.
- b) Estar recoñecido/a pola Secretaría Xeral para o Deporte, coma Deportista Galego/a de Alto Nivel nos anos 2015, 2016 ou 2017. En caso contrario, deberá acreditarse algún dos tres supostos seguintes: ter nado en Galicia ou ter residido durante a súa etapa de formación deportiva en Galicia ou ter veciñanza administrativa en Galicia dende alomenos o 1 de xaneiro do ano anterior ao ano de valoración de resultados.

c) Non estar cumprindo sanción disciplinaria ou administrativa en materia deportiva de carácter grave ou moi grave.

## 2. Axudas DGAN:

a) Estar recoñecido/a pola Secretaría Xeral para o Deporte, coma Deportista Galego/a de Alto Nivel nos anos 2015, 2016 ou 2017.

b) Acreditar o nivel deportivo esixido na modalidade practicada conforme o apartado 6.4.1. e/ou acadar a puntuación necesaria na aplicación do baremo establecido no punto 6.4.2. destas bases, no caso de que se lle aplique.

c) Non estar cumprindo sanción disciplinaria ou administrativa en materia deportiva de carácter grave ou moi grave.

Non poderán obter a condición de persoa beneficiaria os/as solicitantes nos que conorra algunha das circunstancias previstas no artigo 10.2 da Lei 9/2007, do 13 de xuño, de subvencións de Galicia.

## 4. FINANCIAMENTO ORZAMENTARIO.

---

As axudas concedidas de conformidade coas presentes bases serán imputadas ao orzamento do ano 2017 da Fundación Deporte Galego con cargo á partida “1. Axudas Monetarias” por un importe de 500.000 euros, sen prexuízo da súa suplementación en virtude do incremento de fondos asignados, a este fin, que poida acordar a Fundación en calquera momento do procedemento. Esta ampliación de crédito non conlevará a apertura dun novo prazo de presentación de solicitudes.

## 5. SOLICITUDES

---

### 5.1 Forma e lugar de presentación de solicitudes.

As/os deportistas solicitantes interesadas/os presentarán a solicitude (**Anexo I**) preferentemente por medios electrónicos a través do formulario normalizado dispoñible na sede electrónica da Xunta de Galicia, <https://sede.xunta.gal>. Opcionalmente, poderanse presentar as solicitudes presencialmente en formato papel orixinal no Rexistro da **Fundación Deporte Galego (Polígono das Fontiñas, Rúa de Madrid, 2-4. Planta 2ª. 15781. Santiago de Compostela. A Coruña)**. Ademais de no rexistro da Fundación, tamén se poderá realizar por correo, de acordo co disposto no artigo 16.4.b. (da Lei 39/2015, de 1 de outubro do Procedemento Administrativo común das Administracións Públicas). A presentación das solicitudes en lugar distinto do sinalado será causa de rexeitamento ou exclusión.

Para a presentación das solicitudes de forma electrónica poderá empregarse calquera dos mecanismos de identificación e sinatura admitidos pola sede electrónica da Xunta de Galicia, incluído o sistema de usuario e clave Chave365 (<https://sede.xunta.gal/chave365>), habilitándose un enlace na Guía de procedementos e servizos co código **PR961A**.

### 5.2 Documentación complementaria

As persoas interesadas deberán achegar tamén obrigatoriamente en todos os casos coa solicitude (**Anexo I**), a seguinte documentación:

**Anexo II. Certificado da Federación.** Obrigatorio en tódolos casos. *Non serán admitidos aqueles anexos 2-certificado da federación que aínda sendo orixinais ou escaneados veñan coas casañas de verificación e resultados cubertos de forma manual ou non sexan asinados pola/o secretaria/o e presidenta/e ou carezan do cuño oficial da federación.*

**Anexo III. Autorización de representación.** Unicamente nos casos nos que a persoa solicitante outorgue facultades de representación a outra persoa inicialmente allea á solicitude. No caso de persoas menores de idade, documento acreditativo da patria potestade ou tutela (copia do libro de familia ou calquera outro documento que o acredite).

Naqueles solicitantes que opten á liña 1. *Axudas Olímpicos/as-Paralímpicos/as en Río 2016* e non tiveran o recoñecemento DGAN en vigor nos anos 2015, 2016 ou 2017, tamén deberán presentar algún dos seguintes documentos complementarios, segundo sexa o caso:

**Documento acreditativo de ter nado en Galicia:** Partida de nacemento, copia do libro de familia ou calquera outro documento oficial que o acredite.

**Certificado de ter residido en Galicia durante a súa etapa de formación deportiva.**

Nos supostos de imposibilidade material de obter o documento, o órgano competente poderá requirirle á persoa interesada a súa presentación, ou, no seu defecto, a acreditación por outros medios dos requisitos aos que se refire o documento, con anterioridade á formulación da proposta de resolución.

A documentación complementaria presentarase preferentemente por vía electrónica. As persoas interesadas responsabilizaranse da veracidade dos documentos que presenten. Excepcionalmente, a Fundación poderá requirir a exhibición do documento orixinal para o cotexo da copia electrónica presentada.

Opcionalmente, as persoas interesadas poderán presentar a documentación complementaria presencialmente no Rexistro da **Fundación Deporte Galego (Polígono das Fontiñas, Rúa de Madrid, 2-4 (Planta 2ª). 15781. Santiago de Compostela. A Coruña)**. Ademais de no rexistro da Fundación, tamén se poderá realizar por correo, de acordo co disposto no artigo 16.4.b. (da Lei 39/2015, de 1 de outubro do Procedemento Administrativo común das Administracións Públicas). A presentación da documentación complementaria en lugar distinto do sinalado será causa de rexeitamento ou exclusión.

Sempre que se realice a presentación de documentos separadamente da solicitude deberase indicar o código **PR961A** e o órgano responsable do procedemento (FUNDACIÓN DEPORTE GALEGO), o número de rexistro de entrada da solicitude e o número de expediente se se dispón del.

### 5.3 Comprobación de datos.

Para a tramitación deste procedemento consultarase automaticamente os datos incluídos nos seguintes documentos elaborados polas administracións públicas:

- DNI/NIE da persoa solicitante.
- DNI/NIE da persoa representante.

- Certificado de empadramento. Só naquelas solicitudes que se acollan á liña 1. *Axudas Olímpicas/as-Paralímpicas/as en Río 2016*, nos que se teña que acreditar a veciñanza administrativa en Galicia por non ter o recoñecemento DGAN en vigor en 2015, 2016 e 2017.
- Certificación positiva expedida pola Tesourería Xeral da Seguridade Social correspondente, acreditativa de que a persoa solicitante se atopa ao corrente do cumprimento das súas obrigas coa Seguridade Social
- Certificación positiva expedida pola Axencia Estatal da Administración Tributaria (AEAT) que acredita que a persoa solicitante se atopa ao corrente no cumprimento das súas obrigas tributarias
- Certificación positiva expedida polo órgano competente da Consellería de Facenda (Xunta de Galicia) na que se teña constancia que non ten débedas pendentes de natureza tributaria coa Facenda Pública da Comunidade Autónoma de Galicia.

No caso de que as persoas interesadas se opoñan a esta consulta, deberán indicalo no cadro correspondente habilitado no formulario de inicio e achegar os documentos.

Excepcionalmente, no caso de que algunha circunstancia imposibilitase a obtención dos citados datos poderase solicitar ás persoas interesadas a presentación dos documentos correspondentes.

#### 5.4 Compatibilidade con outras axudas

Estas axudas serán compatibles con premios ou axudas económicas recibidas durante o ano 2017 procedentes de calquera outra administración, ou de entes públicos ou privados, galegos, estatais e/ou da Unión Europea ou de organismos internacionais -sen prexuízo da obriga de comunicar ao órgano concedente a súa obtención-, e incompatibles no caso de premios ou axudas económicas para deportistas concedidas por outras Comunidades Autónomas durante o ano 2017.

Será obrigatorio declarar as axudas solicitadas e/ou concedidas para o mesmo fin, segundo o propio **Anexo I** de solicitude.

#### 5.5 Prazo de solicitude

O prazo de presentación de solicitudes será de **10 días naturais** a contar dende o día seguinte ao da publicación do anuncio da convocatoria no Diario Oficial de Galicia. Se o último día de prazo fora inhábil, entenderase prorrogado ao primeiro día hábil seguinte. Se no mes de vencemento non houber día equivalente a aquel en que comeza o cómputo, entenderase que o prazo expira o derradeiro día do mes.

O horario de rexistro aos efectos de presentación presencial das solicitudes referidas ás presentes bases será de 9:00 a 14:00 h.

A presentación das proposicións por unha vía diferente ás sinaladas será causa de rexeitamento ou exclusión.

#### 5.6 Corrección de solicitudes

Unha vez revisada a documentación, publicarase a lista das solicitudes admitidas e daquelas que conteñan erros ou deficiencias no taboleiro de anuncios da Fundación Deporte Galego, na páxina web [deporte.xunta.gal](http://deporte.xunta.gal), así como na propia sede electrónica da Xunta de Galicia, <https://sede.xunta.gal>, dispoñendo a partires dese momento de **10 días hábiles** para que sexan

corrixidas, con indicación de que, se así non o fixese, teráselle por desistido da súa petición, logo dunha resolución expresa por parte da Fundación na que así se declare o desestamento.

### 5.7 Notificacións

As notificacións de resolucións e actos administrativos practicaranse preferentemente por medios electrónicos e, en todo caso, cando as persoas interesadas resulten obrigadas a recibilas por esta vía. As persoas interesadas que non estean obrigadas a recibir notificacións electrónicas poderán decidir e comunicar en calquera momento que as notificacións sucesivas se practiquen ou deixen de practicar por medios electrónicos.

As notificacións electrónicas realizaranse mediante o Sistema de Notificación Electrónica de Galicia - Notifica.gal dispoñible a través da sede electrónica da Xunta de Galicia (<https://sede.xunta.gal>). Este sistema remitirá ás persoas interesadas avisos da posta a disposición das notificacións á conta de correo e/ou teléfono móbil que consten na solicitude. Estes avisos non terán, en ningún caso, efectos de notificación practicada e a súa falta non impedirá que a notificación sexa considerada plenamente válida.

A persoa interesada deberá manifestar expresamente a modalidade escollida para a notificación no Anexo I (electrónica ou en papel). No caso de persoas interesadas obrigadas a recibir notificacións só por medios electrónicos deberán optar en todo caso pola notificación por medios electrónicos, sen que sexa válida, nin produza efectos no procedemento, unha opción diferente.

As notificacións por medios electrónicos entenderanse practicadas no momento no que se produza o acceso ao seu contido. Cando a notificación por medios electrónicos sexa de carácter obrigatorio, ou fose expresamente elixida polo interesado, entenderase rexeitada cando transcorresen dez días naturais desde a posta a disposición da notificación sen que se acceda ao seu contido.

Se o envío da notificación electrónica non fose posible por problemas técnicos, a Administración xeral e as entidades do sector público autonómico practicará a notificación polos medios previstos na normativa reguladora do procedemento administrativo común.

### 5.8. Trámites administrativos posteriores á presentación de solicitudes

A sede electrónica da Xunta de Galicia ten a disposición das persoas interesadas unha serie de modelos normalizados para facilitar a realización de trámites administrativos despois da presentación das solicitudes de inicio. Estes modelos presentaranse por medios electrónicos accedendo á Carpeta do cidadán da persoa interesada dispoñible na sede electrónica da Xunta de Galicia. Cando as persoas interesadas non resulten obrigadas á presentación electrónica das solicitudes tamén poderán presentalos presencialmente no **Rexistro da Fundación Deporte Galego (Polígono das Fontiñas, Rúa de Madrid, 2-4. Planta 2ª. 15781. Santiago de Compostela. A Coruña)**. Ademais de no rexistro da Fundación, tamén se poderá realizar por correo, de acordo co disposto no artigo 16.4.b. (da Lei 39/2015, de 1 de outubro do Procedemento Administrativo común das Administracións Públicas). A presentación das proposicións en lugar distinto do sinalado será causa de rexeitamento ou exclusión.

### 5.9. Transparencia e bo goberno

De conformidade co artigo 17 da Lei 1/2016, do 18 de xaneiro, de transparencia e bo goberno e co artigo 15 da Lei 9/2007, do 13 de xuño, de subvencións de Galicia, a Fundación Deporte



Galego, responsable da iniciativa, publicará na súa páxina web oficial a relación oficial de persoas beneficiarias e o importe das axudas concedidas. Incluirá igualmente, as referidas axudas e as sancións que, como consecuencia delas, puideren impoñerse nos correspondentes rexistros públicos, polo que a presentación da solicitude leva implícita a autorización para o tratamento necesario dos datos das persoas beneficiarias e a referida publicidade.

Por outra parte, de conformidade co previsto nos artigos 17.3 b) e 20.8. a) da Lei 38/2003, do 17 de novembro, xeral de subvencións, transmitirase á Base de Datos Nacional de Subvencións a información requirida por esta, o texto da convocatoria para a súa publicación na citada base e o seu extracto no Diario Oficial de Galicia.

## **6. INSTRUCIÓN E TRAMITACIÓN DO PROCEDEMENTO.**

---

### **6.1. Órgano de instrución.**

O Director-Xerente da Fundación Deporte Galego será o órgano instrutor do procedemento, responsable da tramitación do mesmo.

Serán funcións do órgano instrutor:

- a) Revisar a documentación a presentar polos/as deportistas coa solicitude de axuda e publicar a corrección de solicitudes, se é o caso.
- b) Realizar de oficio cantas actuacións estime necesarias para a determinación, o coñecemento e a comprobación dos datos en virtude dos cales se debe formular a proposta de resolución.
- c) Elevar a proposta de resolución das axudas elaborada pola comisión de valoración ao Padroado da Fundación Deporte Galego, para a resolución definitiva.

O órgano instrutor poderá utilizar e solicitar canta documentación considere precisa para unha mellor valoración e comprobación do proxecto. Asemade, poderán ser requiridos informes técnicos á Comisión de Avaliación e Seguimento dos Deportistas Galegos de Alto Nivel.

### **6.2. Comisión de Valoración.**

Para a valoración das solicitudes constitúese unha comisión de valoración formada por:

- Presidenta: O/a vogal do Padroado da Fundación Deporte Galego que representa á Secretaría Xeral para o Deporte.
- 2 vogais: 2 técnicos deportivos da Fundación Deporte Galego designados pola Presidenta da Comisión de Valoración.
- Secretaria: Secretario/a do Padroado da Fundación Deporte Galego ou persoa en quen delegue.

Serán funcións da Comisión de valoración:

- a) Avaliar as solicitudes presentadas e a documentación aportada polas entidades solicitantes.
- b) Efectuar as propostas de concesión de axudas elevándoas ao órgano instrutor para que o Padroado da Fundación efectúe a resolución definitiva.
- c) O/a secretario/a redactará a correspondente acta de cada sesión da Comisión.

### **6.3. Tipos de axudas, criterios de valoración e regras comúns a todas elas.**



Establécense os seguintes tipos de axudas:

TIPO DE AXUDA	IMPORTE MÁXIMO	DIRIXIDA A
Axuda Olímpica OURO	Ata 12.000 €	Deportistas galegos/as que cumpran cos criterios do apartado 6.4.1.
Axuda Olímpica PRATA	Ata 10.000 €	
Axuda Olímpica BRONCE	Ata 8.000 €	
Axuda DGAN 1	Ata 6.000 €	
Axuda DGAN 2	Ata 4.500 €	
Axuda DGAN 3	Ata 3.000 €	
Axuda DGAN 4	Ata 2.000 €	
Axuda DGAN 5	Ata 1.000 €	
Axuda DGAN 6	Ata 2.000 €	Deportistas galegos/as que non cumpran cos criterios do apartado 6.4.1. e si cumpran cos criterios do apartado 6.4.2.; ou deportistas cuxos importes acadados pola puntuación do apartado 6.4.2. superen aos acadados polos criterios do apartado 6.4.1.

As axudas axustarase ás seguintes regras:

- As axudas concederanse en réxime de concorrencia competitiva entre os diferentes tipos de axuda e en réxime de concorrencia non competitiva dentro de cada un dos tipos de axuda.
- A suma total de axudas concedidas non poderá superar o orzamento máximo previsto nestas bases.
- Concederase unha única axuda por deportista solicitante e ano, é dicir, un máximo de dúas axudas por solicitude, unha para cada ano 2015 e/ou 2016. Os/as que cumpran cos requisitos para optar a máis dunha axuda por cada ano, recibirán unicamente a de maior importe dentro de cada un dos dous anos a valorar.
- O importe destas axudas calcularase en función da aplicación do baremo previsto no punto 6.4.
- Dentro de cada un dos tipos de **Axuda Olímpica OURO, Axuda Olímpica PRATA, Axuda Olímpica BRONCE, AXUDA DGAN 1, AXUDA DGAN 2, AXUDA DGAN 3, AXUDA DGAN 4 e AXUDAS DGAN 5** todas as persoas beneficiarias percibirán a mesma cantidade económica.
- Para ser persoa beneficiaria das **AXUDAS DGAN 6**, será necesario acadar como mínimo 30 puntos na valoración de resultados acadados no seu respectivo ano, segundo o subapartado do punto 6.4.2. (participación e resultados en competicións no ano 2015 e 2016).
- Cando se valoren resultados deportivos, teranse en conta de forma separada os acadados nos períodos comprendidos entre o 1 de xaneiro e o 31 de decembro de 2015 e entre o 1 de xaneiro e o 31 de decembro de 2016, ámbolos dous incluídos.
- A todas as axudas aplicaráselles as retencións legalmente vixentes en base á normativa do Imposto da Renda das Persoas Físicas.

#### 6.4. Criterios de cuantificación de axudas.

A Comisión de Valoración estudará a certificación da federación (Anexo 2) presentada por cada solicitante, aplicándoseles a todos/as os baremos que se detallan a continuación, en función da información reflectida en dito anexo:

**6.4.1. BAREMO AXUDAS OLÍMPICA OURO, OLÍMPICA PRATA, OLÍMPICA BRONCE, DGAN 1, DGAN 2, DGAN 3, DGAN 4 e DGAN 5.**

a) Cando se valoren varios resultados deportivos, só se terá en conta o mellor resultado por categoría e por tipo de campionato.

TIPO DE AXUDA	IMPORTE MÁXIMO	DIRIXIDA A DEPORTISTAS QUE COMPETIRAN NOS PASADOS XX.OO./XX.PP. DE RÍO 2016
Axuda Olímpica OURO	12.000 €	Todas as categorías: 1º nos XXOO Río 2016.
Axuda Olímpica PRATA	10.000 €	Todas as categorías: 2º nos XXOO Río 2016.
Axuda Olímpica BRONCE	8.000 €	Todas as categorías: 3º nos XXOO Río 2016.
Axuda DGAN 1 DIPLOMA	6.000 €	Todas as categorías: Diploma nos XXOO Río 2016
Axuda DGAN 2 PARTICIPACIÓN	4.500 €	Todas as categorías: Participación nos XXOO Río 2016

TIPO DE AXUDA	IMPORTE MÁXIMO	DIRIXIDA A DEPORTISTAS DGAN QUE COMPETIRAN NAS ESPECIALIDADES/PROBAS SEGUINTE:		
		PROBA OLÍMPICA PROBA PARALÍMPICA PROBA DE ESPECIALIDADE PRINCIPAL DE FEDERACIÓN DE DEPORTE NON OLÍMPICO/PARALÍMPICO <i>(Probas incluídas nos Niveis 1, 2, 3 e 4 do Decreto 6/2004)</i>	PROBA DE ESPECIALIDADE NON OLÍMPICA/PARALÍMPICA ADSCRITA A FEDERACIÓN DE DEPORTE OLÍMPICO/PARALÍMPICO  PROBA DE ESPECIALIDADE NON PRINCIPAL DE FEDERACIÓN DE DEPORTE NON OLÍMPICO/PARALÍMPICO <i>(Probas incluídas no Nivel 3 e 4 do Decreto 6/2004)</i>	PROBA NON OLÍMPICA/PARALÍMPICA DE ESPECIALIDADE OLÍMPICA/PARALÍMPICA  PROBA NON PARALÍMPICA DE DEPORTE PARA DEPORTISTAS CON ALGUNHA DISCAPACIDADE  <i>(Probas incluídas nos Niveis 2 e 4 do Decreto 6/2004)</i>
Axuda DGAN 1	6.000 €	Categoría absoluta: 1º no CM	-	-
Axuda DGAN 2	4.500 €	Categ. absoluta: 2º ou 3º no CM ou 1º no CEu Categ. Previa Absoluta e Intermedia: 1º no CM	-	-
Axuda DGAN 3	3.000 €	Categ. Absoluta: De 4º a 8º no CM, ou 2º ou 3º no CEu. Categ. Previa Absoluta e Intermedia: 2º ou 3º no CM ou 1º no CEu.	-	-
Axuda DGAN 4	2.000 €	Categ. Absoluta: Participación no CM, ou de 4º a 8º no CEu, ou 1º no CEsp Categ. Previa Absoluta e Intermedia: 4º a 8º no CM, ou 2º ou 3º no CEu	Categ. Absoluta: De 1º a 3º no CM ou 1º no CEu.	Categ. Absoluta: 1º no CM.
Axuda DGAN 5	1.000 €	Categ. Absoluta: Participación no CEu. Categ. Previa Absoluta e	Categ. Absoluta: De 4º a 8º no CM ou 2º e 3º no CEu. Categ. Previa Absoluta e	Categ. Absoluta: 2º e 3º no CM ou 1º no CEu.

		<b>Intermedia:</b> Participación no Cto Mundo, 4º a 8º no CEu ou 1º no Cto Esp.	<b>Intermedia:</b> De 1º a 3º no CM ou 1º no CEu.	
<b>Consideracións:</b> <ol style="list-style-type: none"> <li>1. <b>Categoría Absoluta:</b> é a categoría de idade na que se desenvolva a competición deportiva de máis alto nivel da modalidade deportiva, sendo, xeralmente, aquela na que os deportistas cumpren 19 anos no seu primeiro ano natural na categoría.</li> <li>2. <b>Categoría Previa á Absoluta:</b> é aquela categoría de idade na que participan deportistas que, xeralmente, cumplan 17 ou 18 anos ao longo do ano natural no que se celebran os campionatos.</li> <li>3. <b>Categoría Intermedia:</b> é categoría oficialmente recoñecida de cada deporte na que participen deportistas que deixan a categoría Previa Absoluta e que estean nos primeiros anos da categoría Absoluta. A Comisión poderá considerar unha única categoría intermedia por modalidade.</li> <li>4. <b>CM:</b> Campionato do Mundo <b>CEu:</b> Campionato de Europa. <b>CEsp:</b> Campionato de España. Poderanse valorar as Copas de España/Europa/Mundo, cando estas competicións estean conformadas por varias probas e cunha clasificación final. En ningún caso se valorará ser campión dunha única proba, senón que só poderá ser valorado o feito de ter sido campión da clasificación final.</li> <li>5. <b>Mínimo de participación por proba:</b> Cto. de Europa: 15 participantes e 8 países; Cto. do Mundo: 25 participantes e 15 países, excepto nas probas olímpicas/paralímpicas individuais, e nas probas olímpicas/paralímpicas de equipo nas que os/as deportistas non poidan participar en probas individuais similares. Poderase eximir deste requisito aos resultados obtidos en probas femininas, por contar normalmente cunha menor participación. Poderase eximir deste requisito a aqueles deportistas que, en máis de 2 campionatos, obtiveran posicións que cumpran o criterio deportivo, pero non o número mínimo de participantes. Nos deportes nos que exista unha fase previa de clasificación para o campionato, tamén se computarán os participantes en dita fase.</li> <li>6. Considéranse como <b>Probas olímpicas/paralímpicas</b> aquelas incluídas no programa dos XXOO/XXPP do ano 2016.</li> <li>7. Nos <b>deportes colectivos</b> será necesario formar parte da aliañación nalgún partido oficial do campionato obxecto de valoración.</li> <li>8. Poderase valorar a clasificación final obtida en <b>circuítos ou ligas mundiais ou europeas</b> naquelas modalidades deportivas nas que así se desenvolva a súa competición internacional máis relevante.</li> <li>9. Nos CM, CEu e CEsp, non se valorarán os resultados obtidos en <b>probas de equipo</b> naquelas especialidades nas que sexa posible participar nunha proba individual similar, atendendo a criterios relacionados co modo de execución da acción técnica, así coma cos requirimentos condicionais e fisiolóxicos da proba.</li> <li>10. Valorarase un único Campionato de España por modalidade e categoría, aquel que teña un maior nivel deportivo.</li> </ol>				

#### 6.4.2. BAREMO AXUDAS DGAN 6. Ata 100 puntos.

a) **Ter licenza nun club galego: 10 puntos.**

b) **Participación e resultados en competicións nos anos 2015 e 2016.** Valórase o mellor resultado por ano, por categoría e por tipo de campionato (Cto/Copa do Mundo, Cto/Copa de Europa, outras competicións internacionais ou Cto/Copa de España), ata un máximo de **90 puntos para cada ano**, con independencia do tipo de proba ou especialidade deportiva. **Para poder ser persoa beneficiaria da axuda en calquera dos dous anos, será necesario obter un mínimo 30 puntos neste subapartado na respectiva valoración anual.**

	Categoría Previa á Absoluta Categoría Intermedia			Categoría Absoluta		
	Participación	do 8º ao 4º	do 1º ao 3º	Participación	do 8º ao 4º	do 1º ao 3º
Cto/Copa do Mundo	10 pts	20 pts	30 pts	20 pts	40 pts	Ver aptdo. 6.4.1
Cto/Copa de Europa	5 pts	10 pts	20 pts	10 pts	30 pts	Ver aptdo. 6.4.1
Outras competicións internacionais	2 pts	5 pts	10 pts	5 pts	10 pts	20 pts
Cto/Copa de España	0 pts	2 pts	5 pts	2 pts	5 pts	10 pts

<b>Consideracións:</b> <ol style="list-style-type: none"> <li>1. <b>Categoría Absoluta:</b> é a categoría de idade na que se desenvolva a competición deportiva de máis alto nivel da modalidade deportiva, sendo, xeralmente, aquela na que os deportistas cumpren 19 anos no seu primeiro ano natural na categoría.</li> <li>2. <b>Categoría Previa á Absoluta:</b> é aquela categoría de idade na que participan deportistas que, xeralmente, cumplan 17 ou 18 anos ao longo do ano natural no que se celebran os campionatos.</li> <li>3. <b>Categoría Intermedia:</b> é categoría oficialmente recoñecida de cada deporte na que participen deportistas que deixan a categoría Previa Absoluta e que estean nos primeiros anos da categoría Absoluta. A Comisión poderá considerar unha única categoría intermedia por modalidade.</li> <li>4. <b>Cto/Copa de España:</b> Serán valoradas as competicións do máis alto nivel deportivo no estado español, normalmente Campionatos de España da modalidade/especialidade, que outorguen a designación oficial de campións/as de España. As Copas de España serán valoradas cando se acredite que o nivel da competición é igual ou superior ao Cto de España, atendendo en todo momento á igualdade dos criterios</li> </ol>						
----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	--	--	--	--	--	--

relacionados co modo de execución da acción técnica, así coma cos requirimentos condicionais e fisiolóxicos da proba.

5. **Outras competicións internacionais:** Serán valoradas as competicións de carácter internacional que se ben non son as que designan de forma oficial aos campións/as de Europa/Mundo da modalidade/especialidade, si están incluídas no calendario internacional como probas do máis alto nivel deportivo europeo ou mundial, tendo a consideración e recoñecemento internacionais acreditados.
6. **Cto/Copa de Europa:** Serán valoradas as competicións do máis alto nivel deportivo no continente europeo, normalmente Campionatos de Europa da modalidade/especialidade, que outorguen a designación oficial de campións/as de Europa. Poderán ser valoradas as Copas de Europa cando fagan referencia á clasificación final tralo cómputo final sumando as distintas probas. Non serán valorados neste apartado os resultados acadados en probas illadas da Copa de Europa (si poderán ser valoradas no apartado anterior: Outras competicións internacionais).
7. **Cto/Copa do Mundo:** Serán valoradas as competicións do máis alto nivel deportivo en todo o mundo, normalmente Campionatos do Mundo da modalidade/especialidade, que outorguen a designación oficial de campións/as do Mundo. Poderán ser valoradas as Copas do Mundo cando fagan referencia á clasificación final tralo cómputo final sumando as distintas probas. Non serán valorados neste apartado os resultados acadados en probas illadas da Copa de Mundo (si poderán ser valoradas no apartado anterior: Outras competicións internacionais).
8. **Ctos/Copas de España/Europa/Mundo POR EQUIPOS:** Terán o mesmo rango de valoración de resultados individuais aquelas competicións disputadas por equipos cando sexan organizadas polas federacións deportivas oficiais respectivas e se acceda a estas por clasificación. No caso de que a forma de participación sexa mediante o sistema OPEN, os resultados internacionais acreditados serán valorados no apartado Outras Competicións Internacionais, e os resultados en España non serán valorados. Todos os membros do equipo serán valorados do mesmo xeito dentro da categoría na que se acredite o resultado como equipo.

## 6.5. Procedemento de concesión.

- 1º Inicialmente asignaranse as axudas DGAN 1 en base ao baremo 6.4.1. No caso de que o crédito dispoñible fora insuficiente para poder outorgar o importe íntegro das axudas DGAN 1, procederase a un prorrateo proporcional entre os importes iniciais ata cubrir o crédito dispoñible, non sendo posible conceder axudas DGAN 2, 3, 4, 5 e 6.
- 2º Seguidamente, asignaranse as axudas DGAN 2 tamén en base ao mesmo baremo 6.4.1., e procederase a confirmar os importes do mesmo xeito que coas Axudas DGAN 1 detallado no apartado anterior. No caso de que o crédito dispoñible trala confirmación dos importes das axudas DGAN 1, fora insuficiente para poder outorgar o importe íntegro das axudas DGAN 2, procederase a un prorrateo entre os importes iniciais ata cubrir o crédito dispoñible, non sendo posible conceder axudas DGAN 3, 4, 5 e 6.
- 3º Se existe crédito trala asignación dos importes íntegros das Axudas DGAN 1 e 2, resolveranse as Axudas DGAN 3 co mesmo procedemento utilizado anteriormente. No caso de que o crédito dispoñible trala confirmación dos importes das Axudas DGAN 2, fora insuficiente para poder outorgar o importe íntegro das Axudas DGAN 3, procederase a un prorrateo entre os importes iniciais ata cubrir o crédito dispoñible, non sendo posible conceder Axudas DGAN 4, 5 e 6.
- 4º Se existe crédito trala asignación dos importes íntegros das Axudas DGAN 1, 2 e 3, resolveranse as Axudas DGAN 4, seguindo o mesmo procedemento detallado con anterioridade.
- 5º No caso de que o crédito para asignar as Axudas DGAN 4 non fora suficiente para outorgar o importe íntegro, procederase a realizar un prorrateo entre os importes iniciais ata cubrir o crédito dispoñible, non sendo posible conceder axudas DGAN 5 e 6.
- 6º Seguiranse asignando os importes con este mesmo procedemento para as Axudas DGAN 5, sempre e cando o crédito sexa suficiente e se unha vez resoltos estos primeiros cinco tipos de axudas, e se o crédito segue a ser suficiente, pasaremos a resolver as Axudas DGAN 6, repartindo proporcionalmente os puntos cos seus importes resultantes. No caso de que o crédito dispoñible trala confirmación dos importes dos anteriores cinco tipos de axudas fora insuficiente para poder outorgar o importe íntegro das axudas DGAN 6, procederase a un prorrateo entre os importes iniciais ata cubrir o crédito dispoñible.

## 6.6. Resolución de adxudicación.

A Comisión de Valoración elevará informe coa proposta de resolución ao órgano instrutor do procedemento, quen dará traslado da mesma ao Padroado da Fundación Deporte Galego para que esta resolva.

O procedemento finalizará en calquera caso, o 31 de decembro de 2017. O vencemento do citado prazo sen que se notifique a resolución expresa, lexítima ao interesado para entender desestimada a súa solicitude.

As listaxes das axudas concedidas publicaranse no taboleiro de anuncios da Fundación e na páxina web.

### **6.7. Aceptación da resolución.**

Publicadas as correspondentes resolucións, as persoas beneficiarias disporán dun prazo de 10 días hábiles para a súa aceptación ou para presentar a súa renuncia, transcorrido o cal sen que se producise manifestación expresa entenderase tacitamente aceptada.

No caso de que as axudas outorgadas non sexan aceptadas polas persoas beneficiarias ou que posteriormente á súa concesión se renuncie a elas, así como nos supostos do seu reintegro, non se alterará a distribución inicial do crédito entre todas as solicitudes aínda que se aplicase a regra do prorrateo.

### **6.8. Reclamacións.**

Contra as resolucións da concesión de axudas poderán interperse reclamacións perante o órgano de adxudicación, no prazo máximo de **10 días hábiles** a contar desde a publicación das listas de persoas beneficiarias das axudas no taboleiro de anuncios da Fundación, na páxina web [deporte.xunta.gal](http://deporte.xunta.gal), e na sede electrónica da Xunta de Galicia, <https://sede.xunta.gal>, con carácter previo á vía xudicial. O prazo para resolver as reclamacións será de dous meses.

## **7. PAGAMENTO**

---

Unha vez que o Padroado efectúe a resolución, e logo da recepción por parte da Fundación Deporte Galego dos informes de fiscalización oportunos, procederase ao pagamento da axuda ás persoas beneficiarias por transferencia bancaria.

Para o pagamento da axuda concedida, as persoas beneficiarias das axudas deberá presentar os certificados de estar ao corrente das obrigas coa Axencia Estatal da Administración Tributaria, a Seguridade Social e a Xunta de Galicia (Consellería de Facenda). Non será necesario presentar estes certificados se os presentados coa solicitude están en vigor no momento de proceder ao pagamento.

## **8. OBRIGAS DAS PERSOAS BENEFICIARIAS**

---

As persoas beneficiarias deberán cumprir coas obrigas previstas na Lei 9/2007, do 13 de xuño, de subvencións de Galicia. En particular, durante o presente exercicio e o seguinte:

- Aceptar e cumprir todas as estipulacións establecidas nas bases desta convocatoria.
- Comunicar calquera eventualidade significativa no proxecto deportivo.

- Someterse ás actuacións de comprobación que, no seu caso, puidera efectuar a Fundación Deporte Galego, así como calquera outra actuación, sexa de comprobación e control financeiro, que poidan realizar os órganos de control competentes, tanto galegos como estatais ou comunitarios, para o que se achegará canta información lle sexa requirida no exercicio das actuacións correspondentes.
- Comunicarlle á Fundación Deporte Galego a obtención doutras axudas para o mesmo fin.
- Acreditar con anterioridade a que se dite a proposta de resolución de concesión que se encontra ao corrente no cumprimento das súas obrigas tributarias e fronte á Seguridade Social e que non ten pendente de pagamento ningunha outra débeda coa Xunta de Galicia, na forma que se determina no punto 5.2. destas bases.
- Participar nas actividades de difusión coa fin de demostrar o grao de aproveitamento destas axudas, así como nas actividades de promoción do deporte que poida programar a Secretaría Xeral para o Deporte, a Fundación Deporte Galego e/ou os seus patrocinadores e/ou entes colaboradores.
- Proceder ao reintegro dos fondos percibidos nos supostos establecidos no apartado 9 destas bases.

## **9. MODIFICACIÓN DA RESOLUCIÓN, REVOGACIÓN E REINTEGRO.**

---

### **9.1 Modificación da resolución**

Toda alteración das condicións tidas en conta para a concesión das axudas poderá dar lugar á modificación da resolución de concesión e, eventualmente, á súa revogación.

### **9.2 Revogación e reintegro.**

A Fundación poderá proceder, tras o apercebimento previo ás persoas beneficiarias, á revogación e/ou esixencia do reintegro da axuda, así como dos xuros de demora correspondente, nos supostos de:

- Obtención da axuda falseando as condicións requiridas para iso ou ocultando aquelas que o impedisen.
- Incumprimento das obrigas como persoa beneficiaria establecidas nestas bases.
- Resistencia, escusa, obstrución ou negativa ás actuacións de comprobación e control financeiro mencionadas no apartado 8 destas bases que se puideran acometer, no seu caso, así como o incumprimento das obrigas contables, rexistrais ou de conservación de documentos.
- Calquera incumprimento das normas fixadas polas autoridades en materia de loita antidopaxe, en materia de loita contra a violencia no deporte e en materia de protección integral contra a violencia de xénero.

## **10. RÉXIME XURÍDICO.**

---

As presentes bases rexeranse polo dereito privado, séndolle aplicable o artigo 120 da Lei 16/2010, de 17 de decembro, de organización e funcionamento da Administración xeral e do Sector Público de Galicia; a disposición adicional 16 da Lei 38/2003, de 17 de novembro, xeral de subvencións; os principios de xestión contidos no artigo 5.2. da Lei 9/2007, do 13 de xuño, de subvencións de Galicia e os de información aos que fai referencia o artigo 16 do mesmo texto legal, así como os



artigos do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, que desenvolven ditos principios de xestión e publicidade.

## 11. DISPOSICIÓNS ADICIONAIS.

---

De conformidade coa Lei orgánica 15/1999, do 13 decembro, de protección de datos de carácter persoal, os datos persoais recollidos na tramitación deste procedemento, cuxo tratamento e publicación autoricen as persoas interesadas mediante a presentación das solicitudes, serán incluídos nun ficheiro denominado “Persoas beneficiarias Fundación” co obxecto de xestionar o presente procedemento, así como para informar ás persoas interesadas sobre a súa tramitación. O órgano responsable deste ficheiro é a Fundación Deporte Galego. Os dereitos de acceso, rectificación, cancelación e oposición poderanse exercer ante a Fundación Deporte Galego, mediante o envío dunha comunicación ao seguinte enderezo: Fundación Deporte Galego (Polígono das Fontiñas, Rúa de Madrid, 2-4. Planta 2ª. 15781. Santiago de Compostela. A Coruña) ou a través dun correo electrónico a [fundaciondeportegalego.pr@xunta.gal](mailto:fundaciondeportegalego.pr@xunta.gal).

A presentación de solicitude de axuda leva implícita a autorización á Fundación Deporte Galego para que:

- Publique na súa páxina web a relación de persoas beneficiarias e o importe das axudas concedidas, coas excepcións previstas nas leis.
- Para que inclúa os datos relevantes referidos ás axudas concedidas no Rexistro de Axudas, Subvencións, Convenios e Sancións da Xunta de Galicia, creado polo Decreto 132/2006, de 27 de xullo.
- Para que inclúa os datos relevantes referidos ás axudas concedidas na Base de Datos Nacional de Subvencións.

Mediante a presentación da solicitude, a persoa beneficiaria autoriza á Fundación Deporte Galego para que utilice os Datos Persoais que aquel proporcione do seguinte xeito:

- Os datos que correspondan, poderán ser facilitados a diferentes administracións públicas, co fin de realizar os trámites necesarios inherentes á tramitación da axuda que motiva a recepción dos datos.
- Os datos persoais que figuren na solicitude poderán ser publicados na páxina web oficial da Fundación Deporte Galego, con motivo da tramitación da axuda que motiva a recepción dos datos.

A persoa beneficiaria poderá exercer en todo momento os dereitos de acceso, rectificación, cancelación e, no seu caso, o de oposición, de conformidade co establecido na lexislación vixente, dirixíndose por escrito á Fundación Deporte Galego ao enderezo arriba indicado.